

Gvangjsih Minzcuz Bau

ganhhau: CN45-0036 B.2020 Nd.6 Ng.10 liggaeuq gengcej nienz nyinh ndwenseiq cibgouj

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3427 期

Aen Ban Son Baenzlawz Biensij Sawloih Sawcuengh Youq Namzningz Haibanh

6 nyied 6 hauh daengz 7 hauh, Gvangjsih Minzcuz Yijvwnz Yenzgiu Cungsij youq Namzningz banh aen ban son baenzlawz biensij sawloih Sawcuengh. Swcigih Minzcungiveij dangcuj cwngyenz、fucujyin Veih Yungjhungz camgya aen yizsiz haiban caemhcaiq gangjavh. Gungh miz gyawj 70 boux camgya, gyoengqde dwg lauxhangz Sawcuengh caeuq boux guh hong Sawcuengh, daj Aen Siz Vahcuengh Sawcuengh Cunghgoz Minzcuz Yijvwnz Fanhyizgiz、Gvangjsih Minzcuz Bause、Gvangjsih Sam Nyied Sam Cazcise、Gvangjsih Sawcuengh Yozyau caeuq aen cungsij neix daengj danhvei daeuq.

Baez son' gyauq neix youz Lanz Ligoz bozsw、Liuz Yizdangz yizsinj daengj lauxhangz hwnjdangz; gyoengqde daj Aen Siz Vahcuengh Sawcuengh daeuq. Gyoengqde hwnj gij dangz 《Gij Yenzcwz Caeuq Fuengfap Biensij Swzdenj》《Gij Ndabaij Caeuq Yienghlaeh Biensij Swzdenj》《Dangciengz Youq Ndaw Dennauj Raiz Diuz Sawloih Hawj Vunz Yawj》daengj, daj gyaeuj daengz rieng cungj son gyoengq bouxhag rox vihmaz biensij、ciug gijmaz biensij caeuq baenzlawz biensij.

Ciuq cam rox, aen cungsij neix bineix couh heijguh hong bien song bonj sawloih Sawcuengh——《Sawloih Gun Cueng Genjmingz》《Swzdenj Doiq

Hoiz Mingzcienmonz Gun Cuengh》, dajsuenq 3 bi guhsat. Ndawde 《Sawloih Gun Cuengh Genjmingz》sou sawloih Sawgun daihgaiq 3 fanh diuz, daengx bonj saw daihgaiq 150 fanh cih; 《Swzdenj Doiq Hoiz Mingzcienmonz Gun Cuengh》dajsuenq sou sawloih Sawgun daihgaiq 4 fanh diuz, daengx bonj saw daihgaiq 120 fanh cih. Song bonj saw neix langhnaeuz bien baenz, daihdingz lai dwg hawj boux guh hong fanzhoiz caeuq bouxlauxsae hagseng song vah saw yungh, hix ndaej hawj boux yenzgiu Vahcuengh Sawcuengh yawj caeuq yungh.

(raiz/Yangz Yijcingz、Ouh Caij-fangh ing/Liengz Cunh)

SIUSIK DINJ

● Duenh neix, Bingzgoj Si doq guh ndei hong fuengzgaem binghraq, doq guh ndei hong duetgungz gunggeng, doq dauq haihong. Daengz seizneix, daengx si miz 57 aen “cehgenh bang-gungz” dauq haihong lo, gungh 5000 lai boux mehmbwk caeuq vunz gungzhoj dangdieg ndaej youq gyawj ranz guhhong.

(Vangz Ginhyuz)

● 6 nyied 4 hauh, Yungzanh Yen Banjgyauz Yangh Gujdenz Cunh guh aen yizsiz cuengq ciengx duzaenaz din, gyoengq vunz ndaw mbanj caeuq bouxganbu bangfuz cuengq duzaenaz din roengz ndaw daemzsae bae. Dangqna, aen cunh neix aeu 300 lai moux daemzsae ciengx duzsae, aen yangh neix gungh miz 1000 moux doxhwnj; moix moux ndaej cienz 4000 maenz doxhwnj.

(Danz Gaijhingh)

● Daj dauq haihong doxdaeuq, Lingzyinz Yen aeu gij banhfap miz yungh de bae doinyoengx vunzhong gungzhoj ndaej hong guh; cujciz hojceh cienmonz 3 buekbaez、banci cienmonz 46 gyaqbaez, “giz doiq giz” soengq 1137 boux nungzminzgungh ok rog guhhong. Dangqna, aen yienh neix 3.78 fanh vunzhong gungzhoj dauq haihong caez, vunzhong lajmbanj rom hwnjdaeuq suenq miz 7.96 fanh vunz ndaej hong guh.

(Lij Sunvaz)

● 6 nyied 3 hauh, Ginhcouh Si Dungjeanbu guh aen yizsiz venj baiz Ginhcouh Si Minzcuz Cunghgyau Swvu Fugsach Cungsij.

(Liu Swjveih)

● 6 nyied 2 hauh, Yensanh Gih hai aen hoih sonlien guh hongsaeh cunghgyau cwngecwz fazgveih, ndaw gih gungh miz 120 boux lingjdauj ganbu caeuq bouxwnq daengj cungj doxgven haenx camgya.

(Gauh Veijgvangh)



Lwgnyez Youwzyenz Hag Sawcuengh

6 nyied 3 hauh banhaet, Youq Nanzningz Si Hinghningz Gih Swdangz Segih Sinhhah Meijyangz-yangz Youwzyenz, gou dingqnyi gij sing doegsaw mbouj lumj bingzciengz, caiq dingq couh rox dwg gyoengq lwgnyez cingq caez sing doeg Sawcuengh.

Riengz gij sing doegsaw neix bae ra, gou byaij haeuj ndaw youwzyenz bae, raen bouxlauxsae sai ndeu cingq haeujsim son gyoengq lwgnyez doeg Sawcuengh; de doq youq gwnz hwbzanj son singdiuh Vahcuengh, doq youq denswj bingzmu diemj doeg 《Angq

Hag Sawcuengh》, gyoengq lwgnyez maij doeg lailai, mbouj yaep nanz sim'angq lai couh riu hwnjdaeuq.

Ciuq cam rox, Nanzningz Si Hinghningz Gih Swdangz Segih ndawde vunz Bouxcuengh dangdieg ciemq 90% doxhwnj, aen youwzyenz neix yozcenzban miz 20 boux vunz Hinghningz Gih, ndawde miz 16 boux gangj Vahcuengh sugseg roxnaeuz dingq rox Vahcuengh. Gyoengqde haujlai vunz rox Vahcuengh, caiq son coenz vah “Gou roengz mbanj cawx gaeqmeh”——coenz neix miz 6 aen sawloih、daj

gyaeuj daengz rieng dwg gij sawloih guhyiengh mai singdiuh daih'it daengz daihroek; doeg bae doeg dauq, hag doeg 3 faen cung, gyoengq nyez couh hag rox 6 aen singdiuh Vahcuengh lo.

Boux yenzcangj aen youwzyenz neix heuhguh Luz Yifeih, de naeuz aen youwzyenz neix caen henz caen guh, youq dieg Bouxcuengh son'gyauq Vahcuengh Vahgun, yienghneix guh couh caen ciuqhengz 《Aen Diuzlaeh Hong Vahsaw Siujsaq Minzcuz Gvangjsih Bouxcuengh Swcigih》

(Luz Haijdwz 陆海德)